

SPORAZUM O SARADNJI

Zaključen dana 26.06.2019 godine, između sporazumih strana, kako slijedi:

1. **Visokoškolske ustanove Evropski univerzitet „Kallos“ Tuzla**, sa sjedištem u Tuzli, u ul. Maršala Tita broj 2A i 2B, čiji je zastupnik v.d. rektor akademik prof. dr. Nedeljko Stanković, s jedne strane (u daljem tekstu: Univerzitet),
i
2. **JU Odgojni centar Tuzlanskog kantona**, sa sjedištem u Tuzli, ul. Bosne Srebrene 31, čiji je zastupnik direktor mr Denis Husić, s druge strane (u daljem tekstu: JU Odgojni centar TK).

Član 1.

Potpisnici ovog Sporazuma o saradnji (u daljem tekstu: Sporazum) su saglasne da međusobnu saradnju zasnivaju na sljedećim principima:

- a) Partnerstva* – u cilju ostvarivanja i unapređivanja saradnje, sporazumne strane će razvijati dobre partnerske odnose od zajedničkog interesa,
- b) Transparentnosti* – Strane će učiniti javnim i dostupnim informacije o planovima, programima, projektima i aktivnostima koji se realiziraju u okviru saradnje;
- c) Odgovornosti* - strane potpisnice preuzimaju punu odgovornost za realizaciju zajedničkih aktivnosti.
- d) Nezavisnost i samostalnost* – strana potpisnica sporazuma je ključni uslov za nesmetano i kvalitetno ostvarivanje ovog Sporazuma.

Član 2.

Saradnja će se odvijati u oblastima kako slijedi:

- u oblasti naučno-istraživačkog rada (upotrebe statističkih i drugih podataka za izrade diplomskih, magistarskih i doktorskih radova),
- izrada i implementacija zajedničkih projekata na lokalnom, regionalnom i međunarodnom nivou;
- upoznavanje sa radom Centra i učešće studenata u radu sa djecom i maloljetnicima koji su upućeni na izvršenje odgojne mjere, dijagnostičko-opservacijski tretman maloljetnika ili individualne preventivne tretman uz poštivanje svih prava djece i maloljetnika kao i zakona,
- razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
- podsticanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata
- podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

- organizaciju seminara, konferencija, okrugli stolova, radionica i drugih stručnih predavanja i aktivnosti, druge teme i aktivnosti od zajedničkog interesa sporazumnih strana.

Član 3.

Zajednička saradnja između sporazumnih strana će se provoditi na principima zakonitosti, povjerljivosti u pogledu rada sa maloljetnicima, pridržavanja plana rada i aktivnosti, poštivanje principa i autoriteta stručnih lica-radnika Centra kao i principa i načina rada sporazumnih strana.

Član 4.

Stručna praksa studenata u JU Odgojni centar TK-a, obavljaće se po utvrđenom nastavnom planu i programu na I, II i III ciklusa studija Pravnog fakulteta Univerziteta.

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti JU Odgojni centar TK-a spiskove studenata.

Član 5.

JU Odgojni centar TK-a će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

JU Odgojni centar TK-a će studente Univerziteta blagovremeno, na primjeren način, upoznati sa propisanim kućnim redom.

Član 6.

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi JU Odgojni centar TK-a ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine u toku obavljanja stručne prakse u prostorijama JU Odgojni centar TK-a.

Član 7.

Sva druga pitanja i određeni detalji implementacije ovog Sporazuma o saradnji, koja nisu riješena, regulišu se uz uzajamnu saglasnost između direktora JU Odgojni centar Tuzlanskog kantona te rektora Univerziteta.

Član 8.

Ovaj Sporazum se zaključuje bez određenja roka trajanja. U periodu važenja Sporazuma svaka strana ima pravo isti otkazati, ukoliko druga sporazumna strana ne ispunjava svoje obaveze ili ukoliko nastupe druge okolnosti zbog kojih bi bilo opravdano otkazati Sporazum, uz obavezu da

o namjeri otkazivanja pismenim putem obavijesti drugu stranu najkasnije 30 dana prije dana s kojim namjerava otkazati Sporazum.

Član 9.

Sporazum predstavlja izraz stvarnih volja ugovornih Strana i obje ugovorne Strane svojim potpisom izjavljuju da su saglasne sa njegovim odredbama.

Član 10.

Ovaj Sporazum je sačinjen u 4 (četiri) istovjetna primjerka od kojih svaka strana zadržava po 2 (dva), a sporazum stupa na snagu danom potpisivanja.

SPORAZUMNE STRANE

Za Univerzitet
V. D. REKTOR
Akademik prof. dr. Nedeljko Stanković



Broj: 01-443-1/19

Datum: 26.06.2019 godine

Za Javnu ustanovu
Odgojni centar Tuzlanskog kantona
DIREKTOR
Mr. Denis Husić



Broj: 420/19

Datum: 26.06.2019 godine